



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 29. Lutheranorum motus contra PP. Capuccinos.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

decidit, modernum saltandi modum esse opus carnis Christianæ doctrinæ contrarium, pertinaces saltatores incassum admonitos tamdiu a Cæna esse removendos, donec ab hoc peccato desistere polliciti fuerint &c. Ita diversa diverforum erat sententia, quam tamen quælibet pars ex S. Literis firmare nitebatur.

Sæc. XVIII.
A. C. 1738.

§. XXIX.

Lutheranorum motus contra PP. Capuccinos.

Jam quinto abhinc anno Sulzbacenses Lutherani molestos concitabant motus, quorum prætextus erant varii præcipue I. querebantur, quod Sulzbacensis Dux Palatinus Rheni Comes Anno 1711. decreverit, quod præfatæ Urbis Præco & tum Superintendens haud amplius hoc prædicato fueretur, sed passim *Inspector* nominaretur II. quod huic & Successoribus ejus petita Ducis instructio pro visitandis hujus Ducatus & Urbis Ecclesiis ac scholis denegata fuerit. III. Quod neglecta alternationis lege Catholicus Medicus in Urbis Physicum sit assumptus. IV. Quod ad Curatorium Collegium aliaque Dicasteria non alii quam Catholici Consilarii fuerint cooptati, & quod palmare erat

eo-

Sæc. XVIII.
A. C. 1738.

eorum gravamen, scilicet, V. quod
Joannes Christianus Sulzbacensis Dux
Anno 1732. dimissis duobus Capellanis
quosdam Patres Capuccinos in Urbem
admiserit, eisque ædes, in quibus an-
tea præfati Capellani Catholicam ju-
ventutem literis imbuebant, assignavit.
Hinc illæ lacrimæ, acerba Prædicantium
lamenta! querulis literis anni se-
quentis die decima sexta Junii Joannis
Christiani Ducis aures pulsant, atque
exponunt, hos Patres annuente ipso
Duce jamjam ad Sacellum fundamenta
jecisse, & ad erigendum Conventum
necessaria parare, non paucos ex ipsis
Lutheranis ligna, lapides & currus ad
fabricam suppeditasse, eos quoque cum
Lutheranis omnia vicinitatis officia,
pacem, concordiam, & agendi ratio-
nem Lutheranzæ religioni nullatenus
noxiam polliceri quidem, molestos ta-
men fore subditis ob sustentationis ne-
cessitatem &c. petebant igitur, ut Dux
ad normam Pacis Westphalicæ hujus
Monasterii fabricam inhibere velit.
Postquam vero Joannes Christianus
Anno 1733. die vigesima Julii vivis e-
reptus erat, ad ejus Successorem Pa-
latinum Electorem die decima quarta
Aprilis Anno 1734. datis literis adver-
sus Conventus fabricam denuo recla-
marunt, eoquod id paci Westphalicæ
&

& viginti Simultaneo adversaretur, Patres quoque pro colligendis victualibus ad Lutheranorum pagos excurrerent, & urgentibus Catholicis Præfectis ad ligna &c. advehenda subditi compellerentur. Porro sequentis anni die decima sexta Martii novas querelas accumulabant, exponentes. I. Quod, quamvis hisce Patribus duntaxat concessum fuisset, Sacra sua in Parochia, vel alio Urbis Sacello, vel ad S. Annam in Monte peragere, & non nisi Orationarium pro privata devotione ædificare, ipsi tamen jam Aram lateritiam, tabellam pictam, ac proxime Cathedram & cetera requisita erecturi, proin omnes publici cultus functiones & Sacra peracturi sint. II. Contra datam fidem elemosynas & operas pro fabrica emendicent &c. quapropter ab Electore petebant Lutherani, ut, si tamen hi Patres in suo hospitio diutius tolerandi essent, eis prohiberetur, ne suum Orationarium extenderent, sed sua Sacra duntaxat in Ecclesia S. Annæ, vel in Cæmeterio Nosocomii, vel in Urbis Sacello aut Parochia (sine ullo tamen jure inde aquirendo & sine præjudicio) prout antea a duobus illis Capellanis, sub directione DD. Decani peragerent, nec a Lutheranis potissimum pauperibus eleemosynas ruri colligerent, & id

Sæc. XVIII.
A.C. 1738.

Sæc. XVIII. id ad Electoris postulationem Ratisbo-
 A. C. 1738. nense Consistorium Catholicum eis in-
 hiberet, Patres vero ad exactam simulta-
 nei observantiam adstringerentur.

Cum autem Elector juxta ipsa Lu-
 theranorum principia, jus in sacra,
 necnon jus reformandi sibi, & a primis
 Ecclesiæ sæculis cuilibet Principi Ca-
 tholico competere, idque per nullum
 pactum, pacemque publicam eis ademp-
 tumque fuisse, aut adimi potuisse,
 probe nosset, Sulzbacensium petito haud
 deferendum censuit, sed aucto indies
 Catholicorum numero plures etiam
 Operarios ad recens plantatam vineam
 conduxit, ac denique ad corporale suo-
 rum subditorum solatium & levamen
 Joannem Georgium Haunfelder Urbis
 ac ditionis Physicum nominavit. Ea
 propter Sulzbacensis Magistratus ac
 Prædicantes contra Electorem Palati-
 num Ratisbonensem Legatorum, seu
 ut vocant: *Corporis Evangelicorum* opem
 implorarunt, nec id incassum; quippe
 Protestantium Legati vigesima tertia
 Martii die hujus anni apud Carolum VI.
 Imperatorem præter alia gravamina
 nondum sublata querebantur, Luthe-
 rano Urbis Parocho instructionem ad
 Ecclesias, scholasque visitandas neces-
 sariam denegari, Capuccinis monaste-
 rium, Ecclesiamque publicam fuisse
 con-

concessam, Physicatum Catholico com-
missum, contra stabilitam Religionis
paritatem potissimos ex Aulicis Consi-
liariis esse Catholicos, veteres Eccle-
sias reparandi, vel novas erigendi onus
solis Lutheranis imponi, proles ex mixtæ
Religionis parentibus natas unice in
Catholica Religione educari, Luthe-
ranos ad celebranda Catholicorum festa
compelli, nullos a præfata Religione
ad Sacra Lutheranorum transfugas ad-
mitti &c. Insuper Lutherani Sulzba-
censes anno priori trigesima Januarii &
hoc anno die decima septima Julii &
die vigesima tertia Novembris denuo
a Carolo Philippo Electore Palatino &
die vigesima tertia Octobris a Corpore
Evangelicorum prætenfa hæc grava-
mina tolli petebant; prævaluit tamen
eorum postulatis causæ æquitas.

Sæc. XVIII.
A. C. 1738.

§. XXX.

*Ludicrum spectaculum a quodam Præ-
dicante datum.*

Hujus item anni hyeme cum Vien-
nensis Urbis plateæ alta nive essent
contectæ, frequentes in traheis decur-
siones a Nobilibus instituebantur. Hu-
jus oblectamenti illecebra Trensenreu-
terum Regio - Suevicæ Legationis Præ-
dicantem tantopere titillabat, ut &
ipse